

## Daim Npav Tsav Tsheb rau TXHUA TUS

### Nws yog dabtsi?

Tsab cai rau daim npav tsav tsheb tshiab rau txhua tus yuav pub rau cov pej xeem hauv lub xeev Minnesota pib qhov txheej txheem kom tau daim pawv mij xyuum kawm tsav tsheb, daim ntawv tso cai rau tsav tsheb los yog daim npav pab cas tuas (ID) siv tau pib thaum lub Kaum hlis ntuj hnuv tim 1, 2023. Tsab cai tshem tawm qhov es yuav tsum tau muaj pov thawj tias yeej nyob hauv lub teb chaws Meskas nov yam raug cai kom pib tau qhov txheej txeeem.

### Yam dabtsi koj yuav tsum tau paub

- Koj yuav tsum tau muaj ib daim ntawv qhia txog tus kheej hu ua primary thiab ib daim ntawv qhia txog tus keej hu ua secondary los yog lob daim ntawv qhia txog tus kheej hu ua primary los ntawm cov ntaub ntawv teev tias hom ntawv twg yog hom siv tau.
- Koj yuav tsum tau xeev kom dhau chav D ntawm qhov nyeem ntawv es paub txog kev tsav tsheb thiab xeev qhov paub tsav tsheb kom tau txais daim ntawv tsav tsheb.
- Cov ntaub ntawv koj sau rau hauv koj daim ntawv thov mas yog cov ntaub ntawv data es tsis pub leej twg pom, thiab DVS yuav muab tsis tau rau cov tub ceev xwm tswj neeg txhawv teb chaws los yog qhia cov ntaub ntawv no mus rau lub xeev los yog tsoom fww hauv teb chaws Meskas cov chaw ua hauj lwm es tswj cov cai rau cov neeg txawv teb chaws tuaj nyob.
- Txoj cai ntawm daim npav tsav tsheb rau txhua tus tsis muaj feem xyuum nrog rau daim REAL ID, daim ntawv tso cai tsav tsheb hu ua enhanced driver's licenses, los yog daim npav ID cards, los yog rau cov neeg tsav tsheb thauj khoom ua lag luam.

### Yuav ua li cas tam sim no

Scan tus QR code hauv qab no kom tau daim qauv ntawm phau ntawv qhia txog daim ntawv tsav tsheb thiab kawm txog cov ntawv xeev tsav tsheb.

### Daim ntawv tsav tsheb standard driver's license, daim pawv mij (permit) xyuum tsheb los yog daim npav ID card yog dabtsi?

- Koj yeej siv tau daim ntawv tsav tsheb standard driver's license tsav tau tsheb yam raug cai.
- Daim ntawv tsav tsheb standard driver's license, daim pawv mij (permit) los yog daim npav ID card feem ntau yeej siv lawv tau los pov thawj qhia kom paub txog ib tug neeg tshwj tsis yog tias yuam tsum koj muaj daim npav REAL ID.
- Koj daim ntawv tsav tsheb standard driver's license los yog daim npav ID card yuav muaj "Tsis Yog Daim Npav Hauv Teb chaws (Not for Federal Identification)" luam rau vim nws tsis muaj li qhov daim npav REAL ID yuav tsum tau muaj.
- Koj yeej siv tau cov npav standard card rau txhua tus siv nov caij nyooj hoom kom txog thaum lub Tsib Hlis hnuv tim 7, 2025.
- Pib thaum lub Tsib Hlis hnuv tim 7, 2025, koj yuav tsum kom muaj tej yam kom zoo raws li daim npav REAL ID mas thiaj li caij tau nyooj hoom, nkag mus ncig saib khaib thab ham los yog nkag mus rau qee lub chaw ua hauj lwm ntawm tsoom fww hauv teb chaws, xws li cov chaw tsim cuaj luaj. Kom paub ntau dua txog daim npav REAL ID, mus saib hauv [drive.mn.gov](https://drive.mn.gov).



Txuas rau Cov Ntawv  
Qhia Tsav Tsheb



DVS  
Driver &  
Vehicle Services